


Tutunlap mi Awewei Ossini

Ewe Amwararen Mwu

1 Kings 3:5-15; 10:1-29

Murin an King Solomon a angei wisan pwe kingen Israel, ewe Samol a pwá ngeni non an taan iwe a apasa ngeni, “ Ereniei met ke mochen upwe ngonuk.” 1 King 3:5. Ewe kukun King ese mochen Kot epwe ngeni moni, itefouno, me manawatam. A tungor Kot epwe ngeni mirit pwe epwe tongeni emweni neun Kot kewe aramas. Kot a ponuweni



an Solomon we tungor mi fokun tipetekison oh fang ngeni an mirit me tipachem mi fokun nununoo seni aramas meinisin. Kot a pwan fang ngeni pwe epwe emon mi wou oh pwan an manawatam.

Fansoun an Solomon King, Israel a fokun Kinamwe oh feioch. Ekewe Sakopaten fau auchea ra fokun chomong non Israel. Iwe Silver merer a usun chok foun fau ren chomongun(1 Kings 10:27). Kapach ngeni ewe amwararen ningochun Imwenfel mi for seni ramune me Kolt King Solomon e fori faniten Kot, a pwan fori ew amwararen watten imw me ew courtyard fiti fengen me chomong teninimw faniten waan kewe chariots me ekewe chon wawa oris. Sakopaten iring a fotuki non ew me ew town. Aramas mi itefouno me wou ra feito seni ekis meinisin faniten re mochen repwe rongorong usun porousen an King Solomon ewe mirit me tipachem Kot a fang ngeni. (1 Kings 10:24).

Ewe mwo niekapen kiwinen Sheba a feito pwe a mochen epwe pusin kuna usun tipachemen King Solomon. Ewe Kiwinen Sheba a sotuni King Solomon me ngeni chomong kapaseis mi fokun weires nge a ingeno ren tipachemen King Solomon me angeochun me ponuweni an kewe kapaseis. Ian epwe sapeno ian epwe chok fokun mwar ren ningochun Israel. Nge ningochun me amwararen Israel non ei fansoun ese tongeni epwe néné ngeni usun amwararen ewe mwuun Kot mi amonota fanitom.

Amasowa ekena line ngeni ekena wokisin non paipel.

1. Met ewe Sises e pwonei ngeni neun kewe aramas?

John 14:2 Mi wor chomong _____ lon imwen Semei. Üpwe feila o _____ leniemi. Üsap ürenikemi ei are esap let.

2. Met sia sinei usun ei neni Sises a amonata?

Isaiah 65:17 "Nengeni, üpwe föri eu _____ mi fö me eu fanüfan mi fö.

Hebrews 11:16 pun a amolätä eu _____ fän iter.

© 1999, 2010 Amazing Facts, Inc.
All Rights Reserved



SP08

Matthew 5:5 Ra feiöch chon tipetekison, pun ir repwe fanüeni _____

Isaiah 65:21 lwe, repwe aüetä _____ o nonom lon, repwe pwal fotuki irän wain o ochei uan.

NOTE: Kapasen metoch mi amwarar, Kot a amonata minafon lang pwan minafon fonufan me ewe minafon teninimw mi pin. Ekewe aramas mi tupwon epwe wor imwer pusin non ewe teninimw forien Sises (Jn 14:2) kapach fengen me imwer kewe pusin won ewe minafon fonufan repwe pusin fori. (Isaiah 65:21).

3. Mi pwan wor met sia sinei usun ewe teninimw mi pin?

Revelation 21:16 Ewe telinimw a _____ chölapan me langataman. lwe, ewe chon läng a aükü ewe telinimw ren ewe wokun aükük, nge a pwä pwe ükükün langataman _____ me _____ stadia, nge chölapan me tekian ra usun chök langataman.

Revelation 21:2 lwe, üa küna ewe Telinimw mi Pin, ewe Jerusalem mi fö, a feitiu me _____ seni Kot, a molotä usun eman fin apwüpwülü söfö a tolong lon foutan pwe epwe apwüpwülü ngeni pwülüan.

Revelation 21:10, 12. lwe, lupwen ai nom lon ngün, ewe chon läng a uweieila won ungen eu chuk mi fokun tekia o a aküna ngeniei Jerusalem, ewe Telinimw mi Pin, a feitiu me läng seni Kot....A wor eu tit mi pöchökül o tekia pwelin ünükün ewe telinimw, a pwal wor _____ me _____ asamalapan, nge engol me ruoman chon läng ra mamasa ekewe asam. lwe, won eu me eu ekei asamalap a mak iten eu me eu ekewe engol me ruu ainangen aramasen Israel

Revelation 21:18 Ewe _____ a för seni ewe fau aüchea itan jasper, nge ewe _____ a för seni kolt mi fokun mürina, a kurufat usun kilas.

Revelation 21:21 Ekewe engol me ruu asamalap ra för seni engol me ruoföü föün pwei, eu me eu kewe asamalap a för seni eföü chök föün pwei. Nge alen ewe telinimw a för seni _____ mi fokun mürina, a kurufat usun kilas.

NOTE: Ewe teninimw mi pin mi napen pwor. Ina epwe 1500 mile cholapan me tekian. A feitiw seni lang oh soti w won ewe minafon fonufan ikeweia ewe chukun olive e nom ia(Zech 14:4) Mi wor 12 tit ra for seni pearl(Pwa 21:12) Etipen ewe teninimw a for seni ewe fau jasper 144 cubits (Pwar 21:17) ika 216 feed chéwatan (a cubit is 18 inches).

4. Met Paipel a apasa faniten konik me mwongo non ewe teninimw?

Revelation 22:1 ewe chanpupun kolukun manau, a kurufat usun ewe fau itan _____, a pupu seni fän än Kot me än ewe Lam lenien motun king

Revelation 22:2 lwe, lepekin ewe chanpupu me rüepék a wor irän _____ ra ua fän engol me ruu lon eu ier, fän eu lon eu me eu maram, chör kewe ra tufichin apöchöküla chon ekewe mwü.

NOTE: Ew chonupwupwu ese tongeni morotá, a pwupwutiw seni an Kot ewe nenien motun king. Ewe iran manau a sakopat met mi uwaani iteiten maram. Foun iran me chén iran kewe ra awora safean epeti seni kich mano oh ngeni kich manau ese much. Kapacheta, neun Kot kewe aramas repwe pwusin for imwer non ewe fonufan me lang sofo (Isa 65:21). Sipwene chok mongo masowen non atake, usun chok nomw mwemwan an tipis esamo tori kich aramas ren foun ira grains, me anó (Gen 1:29). Fokun ano oh unusech met sipwene aeni esapw wor ngawan ika semwenin.

5. Ifa sakofesenin nonomuch non lang seni won fonufan ikenai?

- A. **Isaiah 35:5** Mürin, mesen chon _____ repwe nela,
- B. **Isaiah 35:5** selingen chon _____ repwe sukula,
- C. **Isaiah 35:6** pechemä repwe _____ usun eman chia, nge ekewe chon awemwöch repwe _____ fän mweireir. Pun lenien koluk repwe mökküla lon fanüpwás, nge chanpupu repwe pupu lon fanüapö. †
- D. **Isaiah 65:25** Eman wolif me eman apanen sip repwe mongöfengen, eman laion epwe mongö fetilipwas usun eman kow, nge eman serepenit epwe mongö pwül moromor. Iwe, resap chüen _____ eman ika atala och me won unusen chuki mi pin.” lei alon ewe Samol mi Lapalap.
- E. **Isaiah 11:6** Eman wolif me eman apanen sip repwe chiechifengen, eman man itan lepart me eman apanen kuuch repwe nonomfengen... nge eman _____ epwe emweniir.
- F. **Isaiah 35:1** Iwe, ewe fanüapö me ewe fanüpwás repwe _____, ewe fanüapö epwe mwänek o afisätä _____ usun chök ekewe rous.
- G. **Isaiah 33:24** Iwe, esap wor eman chon ewe fanü epwe apasa pwe a _____. Nge än ekewe aramas tipis epwe musala.
- H. **Revelation 21:4** Epwe talüpwasei chönün mas seni won meser meinisin. Esap chüen wor _____ ika letipeta ika kechü ika cheuch, pun ekewe mettochun lom ra morola. .

6. Met sokun inis ekewe mi tupwon repwe inisini ?

Philippians 3:20, 21 Nge kich sia chon wiliposun läng. Sia ösüküsükü eman Chon Amanau ach Samol Jesus Kraist pwe epwe feito seni läng, ²¹i ätewe epwe awili inisich inisin tekison pwe epwe wewe ngeni inisin we mi _____ ren an we manaman a tongeni anomu mettoch meinisin fän nemenian.

7. Met inisin Sises och ngun ika futuk usuch?

Luke 24:39 Oupwe nengeni pei me pechei, pwe oupwe silei pwe ngang ei. Oupwe atapai o mafi, pun eman _____ esap wor ren _____ me _____ usun oua küna pwe a wor rei.”

NOTE: Inisin Sises ewe murin an ewe manau sefal, ewe wetetan inis fituk me chuu en mi tongeni mafi om atapa. Neun kewe chon kaeo ra ekieki pwe ii emon ngun nupwen an ewe a pwáá ngenir nge nupwen ra atapa me kuna an a mongo rer (Lk 24:40-43), ra sinei pwe esapw emon ngun. Murin faik(40) ran Sises a emwenir ngeni Bethany ikeweia epwene feita ngeni lang me ie (Lk 24:50-51). Iwe ekoch chon lang ra pwá ngenir oh apasa ngenir, “repwe chok pwan kuna Sises non ewe lapalap ra kuna ii non nupwen a niwin sefal.” Fofor 1:11. Seni chok ewe fansoun Sises a winiti emon aramas, Sises epwene chok nonom ika napanapeni usun emon aramas tori feinfeino nge non an ling.

8. Ikefan ekena ekoch pwon mi enukunuk sia tongeni pwan kuna?

Acts 3:20, 21 we Kot epwe awora ngenikemi eu fansoun ngünümi epwe küna pöchökül. Epwe tinato Jesus, i ewe Kraist, Kot a fen filätä fän itemi. ²¹Jesus epwe chök nom lon läng tori epwe war ewe fansoun pwe ekewe mettoch meinisin repwe _____, usun Kot a fen apasa me lomlom ren nöün kewe soufos mi pin

NOTE: Metoch meinisin mi turuseni kich pokiten tipis, repwene niwin sefan ngeni kich non an Kot ewe mwuu mi foo. Meinisin aramas repwe enletin tong, nukunuk me aninis fengen. Esapw chiwen manau mi ngaw (Isa 60;18), esapw chiwen wor amaam, chofona, rau, nukunukumang, noninen me weires, efeiengaw. Esapw chiwen wor metek ika kipwin. Esapw pwan chiwen wor osukosuk. Epwene chok wor pwapwa, menemenoch me manau tori feinfeino chok.

9. Ekewe aramas ra nonom lang repwe pwan chiwen osukosuk non manawer ren ar chemesefani ekewe riafoun noom?

Isaiah 65:17 Iwe, ewe Samol mi Lapalap a apasa, “Nengeni, üpwe föri eu läng mi fö me eu fanüfan mi fö. Iwe, _____ chüen wor eman epwe chechemeni ekewe mettochun lom o eki eki usun

NOTE: Enan ititin kapas, chemeni, ititochun pwe “ esapw chiwen nom non netipach” wewen pwe ewe samol a pwon pwe raifou esapw nonom non lang.

10. Sipwe chiwen essina fengeni kich non Muun Kot ewe?

1 Corinthians 13:12 Pun mine sia küna iei a usun chök ngününgünün mettoch mi toputup lon kilas, nge mürin sipwe tongeni wesewesen küna fatöchün ren mesach. Met ngang üa _____ iei esap unus, nge mürin üpwe silei unusan, usun chök Kot a wesewesen sileei

NOTE: Sipwe fokun esina fengeni kich ren napanapach me mwokutun inisich, ngingich me ach kapas. Ach tipachem non lang epwene fokun napenoo. Non Lang epwe fokun ew watten chufengen ew watten family.

11. Ikefan ekena ekoch meseiken pwon Kot a ngeni kich usun an ewe muu epwe feito?

A. Isaiah 35:10 Iwe, chokewe ewe Samol mi Lapalap a angaseer repwe liwinsefäl o feiliti Jerusalem fän mweireir me köl. _____ esemüch epwe nonom rer.

B. Psalm 16:11 En ka aiti ngeniei ewe alen manau. Om nom rei a afisätä ai pwapwa mi somwosomo awarato ai _____ tori feilfeilachök

C. Zechariah 8:5 Nge ekewe alen ewe telinimw repwe ur ren ät me nengin mi _____ lor.”

D. Isaiah 40:31 Nge chokewe mi anomu ar apilükülük won ewe Samol mi Lapalap repwe angei pöchökül mi fö. Repwe ässitä ren pöükässir usun chök ekewe asaf. Repwe fefeil, nge resap _____. Repwe fetal, nge resap _____

E. Isaiah 40:31 ... Repwe ässitä ren _____ usun chök ekewe asaf. Repwe fefeil

NOTE: Sipwene tongeni ákás usun ekewe chon lang pwan mutir seni mwitirin saram. Pokiten ra angei metoch meinisin non Kraist (Pwa 21:7) repwene fokun mwitir ian repwe noo ia pokiten ra usun chok mwitirin chon lang. Paipel a apasa pwe mi wor ekoch fonufan (Job 1:6, Hebrew 11:3)

12. Mei tufich ach sipwe tongeni awewei usun an Kot ewe mwuu?

1 Corinthians 2:9. Nge iei usun a mak lon ekewe Toropwe mi Pin, “Met aramas resap mwo kûna ika rongorong, met aramas resap mwo _____ lon _____ pwe epwe fis, iei ewe mettoch Kot a amolätä fän iten chokewe mi echeni.

NOTE: En me ngang Sise tongeni ach sipwe weweiti usun amwararen met Kot epwe amonata fanitach meinisin. Eseor sokun kapas ika anchang repwe tufichin fichi ngeni kich sasingin ningochun me amwararan ewe pwapwa non lang. Ach pwapwa non láng epwe nunuseni ach riafou won fonufan (Romans 8:18).

13. Ifan ena watten nifang non an Kot ewe mwuu?

Revelation 21:3 Iwe, Kot epwe _____ nefiner o ir repwe aramasan, nge pûsin Kot epwe etiir pwe epwe ar Kot.

NOTE: Kot epwene nonom ren kich non ewe fonufan sofo. Ese tongeni wor sokun pwapwa epwe wewe ngeni ei sokun pwapwa me feioch mi amwarar.

14. Met epwe tongeni emwochu aramas seni ewe mwun Kot?

Revelation 21:27 Nge esap fokun wor och mi _____ epwe tolong lon ewe telinimw, ika eman mi föri föföri mi asäw, ika eman mi chofona. Pun chokewe chök a mak iter lon än ewe Lam puken iten chon manau repwe tolong lon ewe telinimw

Revelation 21:7 Lö mi _____ ngeni mine a ngau epwe feiöchüni ekewe feiöch meinisin. Iwe, ngang üpwe an Kot, nge i epwe nei.

NOTE: Tipis ewe e angawano metoch meinisin, ina pwata ese chiwen mumuta non lang, pwun esapw chiwen pwan wor uu ngeni Kot non lang. (See Supplement entitled “The Kingdom of God.”)

15. Met upwe tongeni fori faniten ai tipis?

1 John 1:9 Nge are sia pwärätä ach tipis ngeni Kot, i epwe apwönüetä an pwon o föri mine a pwüng: Epwe amusala ach tipis o _____ seni ach pwüngingau meinisin.

NOTE: Ika upwe tungorei Sises epwe omusano ai tipis, ii epwe omusano ai tipis oh a pwan neuni sefan.

16. Met Sises a apasa pwe ina ena formula ren ach sipwe feifeita non ei manau pwan non ewe manau epwe feito?

Matthew 6:33. Nge oupwe chök ekieki lon letipemi ewe _____ me pwüngün, iwe, i epwe ngenikemi ekei mettoch meinisin.

NOTE: Iei metewe e fiss ngeni king Solomon nupwen Kot a eisini ika met e mochen? Ekiekin King Solomon pwe e mochen ewe mwuun Kot epwe akoum. Iwe feiochun met ewe e tungor a pwan pwusin angei me murin. Pwan iei met epwe fiss ngeni kich ika pwe sia akoumwa mwun Kot.

Om finata

Ka sineni pwe Kot a nemeni metoch meinisin won fonufan, en mi mochen fang ngeni Kot epwe nemeni manawom?

Ponuwan mereom: _____

Sopusopun aninis ren ach ei nessen

Ewe mwun Kot

Ewe paipel a aiti ngeni kichusun ruu(2) mwuu ir mei osukosuk fengen, mwun Kot me muun Setan. Ewe mwun Kot ina met Sises a fokun akafanafan fanitan, Ina epwe ukukun fal ipwuku(100) non ewe Minafon Testamen non an Sises kewe afanfan me osukun. Sia pwal kaeo seni met Sises e osukuna pwe ewe mwun Kot mi kinikinitiw non ruu kinikin, Pekin Ngun iwe pekin futuk.

Ekewe citizen ika aramasen non ewe Mwuu non pekin ngun, Kot a nemenem non neitper. Mwemwen ar resamo winino netiper mi masou ren setan, tipis me pusin mochenir. Nge murin ach sia etiw Sises, ewe omusomusen tipis non manamanen chan Sises, iwe sia tou seni nemenien tipis. Ina pwata Paulus a apasa, "Tipis esap fokun chüen nemeni inisimi inisin mäla, pun ousap chüen aleasochisi ekewe mochenian fitukemi...Ousap chüen nonom fän nemenien tipis, pun ousap chüen nonom fän nemenien allük, nge oua nonom fän nemenien ümöümöchün Kot." Rm 6:12,14. " Nge are üa asüela ekewe anün rochopwak ren än Kot manaman, mürin Mwün Kot a fen torikemi. Luke 11:20.

Non ewe chok fansoun emon aramas a etiwa Sises non manawan, ii a winiti emon aramasen ewe muun Kot. Ina popun me auchean an Sises me John ewe chon papatais fokun pesei aramas pwe repwe aier, " pwe ewe mwun lang a arapeto." Mt 3:2, 4:17. Ei kapas arapeto wewen pwe mecheres ngeni kich. Ina pwata Sises a apasa, "Iwe, ekoch ekewe Farisi ra aisini Jesus ika inet ewe Mwün Kot epwe war. Jesus a pölüeniir, "Ewe Mwün Kot esap feito lon och sokun lapalap ach sipwe tongeni küna. ²¹Esap wor eman epwe tongeni apasa, 'Nengeni a nom ikei,' are 'Nengeni, a nom ikenan,' pun ewe Mwün Kot a nom lon lelukemi." Lk 17:20-21. Non ewe fansoun emon aramas a papatais, ii a suseni an Setan ewe mwuun rochopwang oh a tonong non an Kot ewe mwun saram.

Emon chon enletin tapweno murin Sises, I chon tupwuni(embassador) neun Kot ngeni ei fonufan. Emon chon Embassador mi sokono an kapas, an oreni, ufan ika foutan. Iwe inau sun kich soulang. Nupwen sia chon esisianata Kot won fonufan, iwe sipwe fokun tumunu fichi foforuch me nonomuch ach porous ika kapas, foutach, neuneun ach fansoun me moni pwe kich chon esisianata Kot won fonufan.

Non ew ran, noun Kot kewe aramas repwe nonom non an Kot ewe enletin muu sia fosun non ach ei nessen. Ina ewe mwuu sia foku esukusuku nupwen sia aeni ewe iotekin Sam, "Mwun epwe feito." Mathew 6:10. An Kot ewe mwuu epwene fokun pwonueta murin ewe 1000 ier me pwan ewe mwaun sia aneani non Pwarata 20.

© 1999, 2010 Amazing Facts, Inc.
All Rights Reserved

